



## Domestic and Family Violence Visa Support

### Visa checklist blo yu

#### Yu sabe ip visa blo yu e redi?

Yu ken check online ip visa blo yu redi wea da Visa Entitlement Verification Online (VEVO). VEVO go tele yu wiskain visa yu gad, wattaim em go pinis ane rulz blo em.

Ip yu nid elp po akses VEVO yu ken ring da Department of Home Affairs lo 131 881.

**Website:** [immi.homeaffairs.gov.au/visas/already-have-a-visa/check-visa-details-and-conditions/overview](https://immi.homeaffairs.gov.au/visas/already-have-a-visa/check-visa-details-and-conditions/overview)

#### Yu ken gede ol dem ID documents yu go nidem a?

Yu gad passport blo yu wea yu? Yu ken contact da consulate or embassy ip yu nid sambodi po elpe yu. Maitbi mipla go aske yu po mo documents blo yu po elp sapot dis visa application blo yu.

**Website:** [protocol.dfat.gov.au/Public/MissionsInAustralia](https://protocol.dfat.gov.au/Public/MissionsInAustralia)

#### Yu gad diskain account ImmiAccount?

Em prapa impotant yu gede diskain account ImmiAccount solong i izi po po contact da Department baut visa application blo yu. Ip yu trai gede visa wea partner yu ken separet dat visa application prom eni nada ImmiAccounts. Po mekem yu mas do demtu ting ya:

- Yu mas meke ImmiAccount po yuselp
- Yu mas ask po application blo yu po kam separet prom da ImmiAccount blo da wan uda elpe yu or uda bin sponsor yu. Den yu ken mube application blo yu po niu account blo yu.

Yu ken mekem apta yu bin pinis da online ImmiAccount Technical Support Form.

Yu mas seinze da password.

**Website:** [online.immi.gov.au](https://online.immi.gov.au)

#### Yu bin update dem personal inpomeisan lo mipla.

Em e prapa impotant mipla gad dem contact inpomeisan blo yu, wase phone namba ane aus adres or PO box.

Yu ken seinze inpomeisan baut yu wea yu ImmiAccount o yu ken yuze da change of contact/passport details form. Den yu go stil gede ol dem leta mipla go sanem po yu.

**Website:** [immi.homeaffairs.gov.au/form-listing/forms/929.pdf](https://immi.homeaffairs.gov.au/form-listing/forms/929.pdf)

Australia Post e ken gibe pri PO Box po 22 mants po demwan wea e gad sambodi uda oltaim pait yu wea aus. Diswan po elpe yu po gede ol dem leta yu nid po gedem.

**Website:** [auspost.com.au/receiving/manage-your-mail/redirect-hold-mail/redirect-mail/free-mail-redirectation-and-po-boxes](https://auspost.com.au/receiving/manage-your-mail/redirect-hold-mail/redirect-mail/free-mail-redirectation-and-po-boxes)

#### Yu gad sambodi po elpe yu wea ol dem immigration wanem?

Ip yu nidem yu ken gede elp po immigration adbais, ane elp yu aplai po visa. Ane em prapa impotant dat da person uda go elpe yu po aplai, em migration agent o legal practitioner ane dat dempla registered. E gad list blo dem registered agent wea da Department of Home Affairs websait.

*Rimemba, ring 000 ip sambodi de em prapa sik o em nid po luk dokta prapa quick, o ip sambodi mait luse laip, o ip yu bin luk accident.*

**Website:** [immi.homeaffairs.gov.au/help-support/who-can-help-with-your-application/overview](https://immi.homeaffairs.gov.au/help-support/who-can-help-with-your-application/overview)

Ip yu nid migration adbais yu ken gedem pri wan prom spesil legal providers.

**Website:** [familyviolencelaw.gov.au/](https://familyviolencelaw.gov.au/)

### Yu nid elp po sabe ol dat inpomeisan mipla gad?

Da Translating and Interpreting Service (TIS National) e gad pipol uda gibe elp po dem pipol uda no spik English. Yu ken kontakt dempla lo 131 450.

**Website:** [tisnational.gov.au/](https://tisnational.gov.au/)

### Yu sabe ip seip wen yu go online?

Da eSafety Commissioner gad online security checklist. Yu ken yuze da list po gibe yu ol aidia baut wanem yu ken mekem po kipe yuselp seip wen yu yuze mobile phone ane yuze intanet.

**Website:** [esafety.gov.au/key-issues/domestic-family-violence/online-safety-planning/online-safety-checklist](https://esafety.gov.au/key-issues/domestic-family-violence/online-safety-planning/online-safety-checklist)

### Yu gad kopi blo ol dem document?

Em prapa gud aidia po meke list blo ebriting e apen bitwin yu ane da wan uda meke big problem po yu o paite yu. Yu ken yuze dis list ip yu nid po go police ane meke ripot, gede protection orda, o kip lukapta dem pikinini blo yu.

Ip yu nid po tok po dat nada person, mobeta yu yuze email, or text mesis. Den yu gad record baut wanem yu bin tok.

Kip ol dem record ane list wea prapa seip ples solong nada person kan painem o distroi em.

### COVID-19 bin meke problem po yu a?

Em prapa important po sabe dat yu ken libe da ples wea yu lib po escape prom eni problem o paiting dat mait apen wea pamle, nomata wanem COVID-19 rul e gad. Luk wea dem state/territory Government websait po inpomeisan.

**Website:** [australia.gov.au/states](https://australia.gov.au/states)

### Ip yu gad zob, yu sabe ol dem raits yu gad a?

Da Fair Work Act spik dat ol employer mas gibe dem pipol uda gad big problem wea aus prom paiting, dempla ken gede unpaid leave ane dat

dempla ken wen em mo izi po wok. Luk da Fair Work Ombudsman websait po gede mo inpomeisan.

**Website:** [fairwork.gov.au/leave/family-and-domestic-violence-leave](https://fairwork.gov.au/leave/family-and-domestic-violence-leave)

Ip yu go nid help po pei tax mani o tax return, da Australian Taxation Office e gad sapot de po elpe yu.

**Website:** [ato.gov.au/General/Support-in-difficult-times/Personal-crisis-support/#Familyanddomesticviolence](https://ato.gov.au/General/Support-in-difficult-times/Personal-crisis-support/#Familyanddomesticviolence)

### Yu nide elp wea mani blo yu?

E gad spesil pipol uda ken elp yu pri wan wea dipren wei po sort em aut dem mani problem yu gad.

Ip yu nid po tok po counsellor baut mani problem contact da National Debt Helpline lo 1800 007 007. Dis pri hotline e open prom 9:30am to 4:30pm Monday to Friday. Online e gad mo inpomeisan ane nada ting po elpe yu wea da National Debt Helpline websait.

**Website:** [ndh.org.au/](https://ndh.org.au/)

### Ip yu student, yu sabe e gad mo sapot service po elpe yu?

Dem dipren education ples wea Australia spik dat dempla go welkom yu, trit yu wase frend ane gibe sapot po dem student prom nada kantri.

E gad olkain spesil service dat ken sapot yu.

**Website:** [studyaustralia.gov.au/english/live/support-services](https://studyaustralia.gov.au/english/live/support-services)

### Yu sabe wea yu ken gede inpomeisan lo dem nada sapot service a?

Ip e gad paiting o argu wea aus o pamle blo yu, e gad olkain national ane state service wanem ken sapot yu.

Yu ken gede free online o phone sapot wea da National Sexual Assault, Domestic and Family Violence Counselling Service. Ring 1800 737 732.

Da Australian Red Cross ken gibe sapot wea mani po dem pipol uda gad temporary visa wen dempla nogad mas mani. Bizit da Family and Domestic Violence Financial Assistance Program po gede mo inpomeisan. Ip yu nidem, dempla mait spik wiskain yu ken gede legal o migration sapot.

**Website:** [redcross.org.au/get-help/help-for-migrants-in-transition/family-and-domestic-violence-financial-assistance](https://redcross.org.au/get-help/help-for-migrants-in-transition/family-and-domestic-violence-financial-assistance)

*Wen yu luk da interpreta  
symbol yu ken ask sambodi po  
elpe yu wea langus blo yu.*

